

25 AUG 1999

AGONG TERIMA MENGHADAP B.J. HABIBIE

KUALA LUMPUR, 25 Ogos (Bernama)-- Yang di-Pertuan Agong Sultan Salahuddin Abdul Aziz Shah hari ini menerima menghadap Presiden Indonesia B.J. Habibie di Istana Negara.

Habibie tiba di sini pagi ini untuk lawatan kerja sehari sebagai kunjungan balas lawatan Perdana Menteri Datuk Seri Dr Mahathir Mohamad ke Pulau Batam Mei lalu.

Menteri Luar Datuk Seri Syed Hamid Albar dan Menteri di Jabatan Perdana Menteri Datuk Tajol Rosli Ghazali selaku Menteri Pengiring mengiringi Habibie dalam majlis menghadap itu.

Turut mengiringi Habibie pada majlis menghadap itu ialah Menteri Koordinator Ekonomi, Kewangan dan Industri Ginandjar Kartasasmita, Menteri Luar Ali Alatas, Menteri Pertahanan dan Panglima Tentera Indonesia Jen Tan Sri Wiranto, Menteri Perindustrian dan Perdagangan Rahardi Ramelan dan Menteri Kehakiman Muladi.

Ini merupakan lawatan kedua Habibie ke Kuala Lumpur sejak memegang jawatan itu.

Lawatan pertama beliau ialah pada November tahun lalu apabila beliau menghadiri forum Kerjasama Ekonomi Asia Pasifik (Apec).

-- BERNAMA

JAY AKD